

PRÆFATIO AD LECTOREM.

nicus vocat *τεισαρθρώτες*, ter homines, pro eo quod est, *τεισαδλίτες*, ter infelices. Sanè satis appositiè. Nam ille ter & amplius infelix est, qui saccum fumo repletum & olidum ostentat. At gloria quid aliud quām fumus? Fumus quò magis ascendit, eò citius evanescit. Spatiatur velut in aëre, & gestit caput inter nubila condere. Hoc ipso perit. Idem de gloriolâ illâ, quam rumigera cupidi, ut facetè magnus ille Scaliger ait, è scriptiunculis quærunt, *velim te cogitare*. Quando illi homunciones existimant, se famâ pulsare verticem cœli, gloriolæ fumus abit in auras. O verè igitur magnum animum, qui parva ista contempsit semel! Gloriam illam oportet quærere, quæ ab æterno in æternum durat. Hanc si extra Deum quæris, Deum non nosti. Et hanc si quæris, solam quærere debes, non aliam. O utinam hoc ita assequar, ut volo, ut conor! Ex parte tamen assequor, & hâc triumphali veluti tabellâ ob signo hoc præloquium. Gloriam ego nullam quæro, nisi Patris illius lumen, quem precor ut det nobis in hujus vitæ tenebris lumine Logico sic uti, ut illud nobis sit manuductio ad luminis supercælestis fulgorem cognoscendum, donec cum ipso in æternitate conjungamur.

AD LE-